

Fundaziun da la società "Pro Institut Otalpin Ftan / Pro Hochalpines Institut Ftan"

Ils 14 avuost 2015 es gnüda fundada a Scuol la società "Pro Institut Otalpin Ftan / Pro Hochalpines Institut Ftan". Böt e mera da la società sun il mantegniment e la promoziun da l'Institut Otalpin Ftan sco instituziun da scolaziun e da promoziun da sport e da la lingua rumantscha in ün intschess rumantsch. La società Pro IOF / Pro HIF es gnüda fundada dal comitè d'iniziativa "Salvain l'Institut Otalpin Ftan (IOF)", chi ha ramassà 1505 suottascripziuns per mantegner l'IOF e tras quai s-chaffi la basa per la continuaziun da la scoula.

Il böt da la società "Pro Institut Otalpin / Pro Hochalpines Institut" es da sustegner e promover l'Institut Otalpin Ftan sco instituziun da scolaziun e da promoziun da sport e da lingua rumantscha in ün intschess rumantsch. La società es gnüda fundada ils 14 avuost 2015 our da persvasiun cha l'Institut Otalpin Ftan ha üna valur extraordinaria tant economica, culturala sco eir sociala per la regiun da l'Engiadina Bassa. A la radunanza da fundaziun es gnüda eletta la commembra dal comitè d'iniziativa Barbla Conrad da Scuol unanimamaing sco presidenta. Implü sun gnüdas elettas ed elets illa suprastanza: Seraina Felix da Sent, Ruedi Haller dad Ardez, Verena Nold da Hausen ed Aita Zanetti da Sent. Sco revisurs s'han miss a disposiziun e sun gnüts elets Mattias Toutsch da Zernez e Beat Egloff da Scuol.

Ingrazchamaint a la populaziun

In occasiun da la „Festa dal Stradun“ a Scuol es gnüda lantschada l'iniziativa „Salvain l'Institut Otalpin Ftan (IOF)“. Il comitè d'iniziativa e la suprastanza da la società „Pro Institut Otalpin Ftan / Pro Hochalpines Institut Ftan“ ingrazchan als 1000 votants da la regiun Engiadina Bassa sco eir als 505 simpatisants per lur bainvuglientscha e'l grondius sustegn. Grazcha a quistas suottascripziuns das-cha l'institut cumanzar cul menaschi da scoula. Il comitè d'iniziativa ingrazcha a tuot quellas personas, instituziuns, a la Pro Engiadina Bassa ed a las instanzas politicas chi han tut cleramaing posiziun a favur da l'unica scoula media in Engiadina Bassa e chi han cumbattü per tala plain ingaschamaint davant e davo las culissas. **Barbla Conrad**, presidenta nouveletta da la società „Pro Institut Otalpin Ftan / Pro Hochalpines Institut Ftan“ e commembra dal comitè d'iniziativa: „Ün cordial ingrazchamaint a tuot ils genituors, a scolaras e scolaras, als impiegats ed a tuot quellas personas chi crajan vi da nossa scoula media e chi'ns han sustgnüts cun plets, tschögns e fats.“

Sustegn finanziel

La società „Pro Institut Otalpin Ftan / Pro Hochalpines Institut Ftan“ as finanziescha da contribuziuns da commembers, fauturs e sponsurs sco eir dad entradas d'aignas occurenzas. Cun üna commembranza illa società, sco eir cun donaziuns daja uossa la pussibilità da sustegner l'Institut Otalpin Ftan (IOF) eir finanziamaing. La società dispuona d'ün'aigna pagina d'internet www.prohif.ch, sün la quala stan a disposiziun las infuormaziuns da la società ed ingio chi's po s'annunzchar sco commember. La suprastanza da la società „Pro Institut Otalpin Ftan / Pro

Hochalpines Institut Ftan“ invida a tuot ils interessents e simpatisants da dvanter commembers. La società s’allegra da mincha commember e da sustegn pel IOF.

Scuol, 24 avuost 2015

Per infuormaziuns stan a disposiziun:

Barbla Conrad, barbla.conrad@bluewin.ch, Tel. 081 864 14 34 o 079 428 81 90

Seraina Felix, felix@quickmail.ch, Tel. 081 864 80 70 o 079 526 42 24